

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНИНГ  
ҚАРОРИ

**69** «Пишган ғишт ишлаб чиқарувчи корхоналар томонидан солиқ имтиёзлари ва преференцияларни қўллаш тартиби тўғрисида»ги низомга ўзгартиришлар ва қўшимча киритиш ҳақида

*Ўзбекистон Республикаси Адлия вазирлиги томонидан 2011 йил 16 февралда рўйхатдан ўтказилди, рўйхат рақами 1985-1*

*(2011 йил 26 февралдан кучга киради)*

Ўзбекистон Республикаси «Давлат солиқ хизмати тўғрисида»ги Қонунинг (Ўзбекистон Республикаси Олий Мажлисининг Ахборотномаси, 1997 й., 9-сон, 232- модда) 7-моддасига мувофиқ Ўзбекистон Республикаси Молия вазирлиги ва Давлат солиқ қўмитаси **қарор қиладилар:**

1. Ўзбекистон Республикаси Молия вазирлиги ва Давлат солиқ қўмитасининг 2009 йил 22 июлдаги 73 ва 2009-23-сонли қарори (рўйхат рақами 1985, 2009 йил 24 июль) (Ўзбекистон Республикаси қонун ҳужжатлари тўплами, 2009 й., 30-31-сон, 350-модда) билан тасдиқланган «Пишган ғишт ишлаб чиқарувчи корхоналар томонидан солиқ имтиёзлари ва преференцияларни қўллаш тартиби тўғрисидаги низом»га иловага мувофиқ ўзгартиришлар ва қўшимча киритилсин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Молия вазири**

Тошкент ш.,  
2011 йил 31 январь,  
4-сон

**Р. АЗИМОВ**

**Давлат солиқ  
қўмитаси раиси**

Тошкент ш.,  
2011 йил 31 январь,  
2011-1-сон

**Б. ПАРПИЕВ**

Ўзбекистон Республикаси  
Молия вазирлиги ва Давлат солиқ  
қўмитасининг 2011 йил 31 январдаги  
4, 2011-1-сон қарорига  
ИЛОВА

**«Пишган ғишт ишлаб чиқарувчи корхоналар томонидан  
солиқ имтиёзлари ва преференцияларни қўллаш тартиби  
тўғрисида»ги низомга киритилаётган ўзгартиришлар ва  
қўшимча**

1. 1-банднинг «и» кичик бандида «бюджетдан ташқари Мактаб таълимини ривожлантириш жамғармасига» деган сўзлар «Таълим муассасаларини реконструкция қилиш, мукамал таъмирлаш ва жиҳозлаш бўйича бюджетдан ташқари жамғармасига» деган сўзлар билан алмаштирилсин.

2. 4 ва 5-бандлар қуйидаги таҳрирда баён этилсин:

«4. Ушбу Низомнинг 1-бандида кўрсатилган имтиёзлар асосий фаолият тури — замонавий энергия тежайдиган технологиялар асосида пишган ғишт ишлаб чиқаришга:

газда ишлайдиган корхоналарга — Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекциясининг тегишли ҳудудий органининг хулосасига асосан ушбу Низомнинг 1-иловасида келтирилган шаклда;

қўмирда ишлайдиган корхоналарга — Ўзбекистон Республикаси Электр энергетикада назорат бўйича давлат инспекциясининг хулосасига асосан ушбу Низомнинг 1а-иловасида келтирилган шаклда тақдим этилади.

5. Корхоналар давлат солиқ хизмати органларига Ўзбекистон Республикаси Президентининг 2009 йил 19 июндаги ПҚ–1134-сон «Деворбоп материаллар ишлаб чиқаришни кўпайтиришни рағбатлантириш ва сифатини яхшилаш борасидаги қўшимча чора-тадбирлар тўғрисида»ги қарорига асосан солиқлар ва давлат мақсадли жамғармаларига ва Таълим муассасаларини реконструкция қилиш, мукамал таъмирлаш ва жиҳозлаш бўйича бюджетдан ташқари жамғармасига мажбурий ажратмаларни тўлашдан озод этилганлиги тўғрисидаги ёзма хабарномани ушбу Низомнинг 2-иловасида келтирилган шаклда тақдим этадилар. Хабарномага махсус печлардан фойдаланган ҳолда замонавий энергия тежайдиган технологиялар асосида пишган ғишт ишлаб чиқарувчи корхона эканлигини тасдиқловчи Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекциясининг тегишли ҳудудий органининг ёки Ўзбекистон Республикаси Электр энергетикада назорат бўйича давлат инспекциясининг хулосаси илова қилинади».

3. 7-банднинг биринчи жумласи қуйидаги таҳрирда баён этилсин:

«7. Ушбу Низомнинг 2-бандида кўрсатилган преференциялардан фойдаланишда микрофирмалар ва кичик корхоналар ягона солиқ тўловини тўлашга ўтиш тўғрисидаги хабарномага корхона махсус печлардан фойдаланган

ҳолда замонавий энергия тежайдиган технологиялар асосида пишган гишт ишлаб чиқарувчи эканлигини тасдиқловчи Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекциясининг тегишли ҳудудий органининг ёки Ўзбекистон Республикаси Электр энергетикада назорат бўйича давлат инспекциясининг хулосасини илова қиладилар.

4. Ушбу ўзгартиришлар ва қўшимчанинг 1-иловасига мувофиқ 1а-илова билан тўлдирилсин.

5. 2-илова ушбу ўзгартиришлар ва қўшимчанинг 2-иловасига мувофиқ таҳрирда баён этилсин.

6. Ушбу ўзгартиришлар ва қўшимча Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекцияси ва Ўзбекистон Республикаси Электр энергетикада назорат бўйича давлат инспекцияси билан келишилган.

*Ўзбекистон нефть маҳсулотлари  
ва газдан фойдаланишни  
назорат қилиш давлат  
инспекциясининг бошлиғи*

**Ш. МАХМУДОВ**

*2011 йил 31 январь*

*Электр энергетикада  
назорат бўйича давлат  
инспекциясининг бошлиғи*

**А. НИМАТУЛЛАЕВ**

*2011 йил 31 январь*

Пишган гишт ишлаб чиқарувчи  
корхоналар томонидан солиқ имтиёзлари ва  
преференцияларни қўллаш тартиби  
тўғрисидаги низомга киритилаётган  
ўзгартиришлар ва қўшимчага  
1-ИЛОВА

Пишган гишт ишлаб чиқарувчи  
корхоналар томонидан солиқ имтиёзлари ва  
преференцияларни қўллаш тартиби  
тўғрисидаги низомга  
1а-ИЛОВА

### Х У Л О С А

Ушбу билан \_\_\_\_\_ манзил бўйича жойлашган  
\_\_\_\_\_ йил «\_\_\_» \_\_\_\_\_ дан  
(корхонанинг тўлиқ номи)  
бошлаб, кўмирда ишлайдиган махсус печлардан \_\_\_\_\_

(печнинг номи ва тури)

фойдаланган ҳолда замонавий энергия тежайдиган технологиялар асосида  
пишган гишт ишлаб чиқаришни амалга ошираётганлигини тасдиқлаймиз.

**Ўзбекистон Республикаси**  
**Электр энергетикада назорат**  
**бўйича давлат инспекциясининг**  
**бошлиғи**

\_\_\_\_\_  
(имзо, Ф.И.Ш.)

М.Ў.

Пишган ғишт ишлаб чиқарувчи  
корхоналар томонидан солиқ имтиёзлари ва  
преференцияларни қўллаш тартиби  
тўғрисидаги низомга киритилаётган  
ўзгартиришлар ва қўшимчага  
2-ИЛОВА

Пишган ғишт ишлаб чиқарувчи  
корхоналар томонидан солиқ имтиёзлари ва  
преференцияларни қўллаш тартиби  
тўғрисидаги низомга  
2-ИЛОВА

\_\_\_\_\_ га тақдим этилади.

(солиқ бўйича ҳисобга олиш жойидаги давлат солиқ хизмати органи)

### Х А Б А Р Н О М А

\_\_\_\_\_ манзилда жойлашган

(солиқ тўловчининг тўлиқ номи)

1. Давлат рўйхатидан ўтказилганлиги тўғрисидаги гувоҳнома
2. Ташкил этилган сана (кун/ой/йил)
3. СТИР
4. ХХТУТ
5. Телефон: код  рақам

махсус печлардан фойдаланган ҳолда замонавий энергия тежайдиган технологиялар асосида пишган ғишт ишлаб чиқаришни амалга ошираётганлиги ҳақида хабардор қилади (Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекцияси ҳудудий органининг (Ўзбекистон Республикаси Электр энергетикада назорат бўйича давлат инспекциясининг) \_\_\_\_\_ йил «\_\_\_» \_\_\_\_\_ даги \_\_\_\_\_ -сон хулосаси илова қилинади)

Имтиёздан фойдаланиш учун асос: \_\_\_\_\_

(норматив-ҳуқуқий ҳужжатнинг номи)

Маълумотларнинг тўлиқлиги ва ишончилигини тасдиқлайман:	Ваколатли органнинг ходими томонидан тўлдирилади
Раҳбар СТИР <input type="text"/> <input type="text"/> Ф.И.Ш. _____ Имзо _____	
Бош бухгалтер СТИР <input type="text"/> <input type="text"/> Ф.И.Ш. _____ Имзо _____	Тақдим этилган сана <input type="text"/> <input type="text"/> (кк/оо/йй)
Сана <input type="text"/> <input type="text"/> (кк/оо/йй)	Ф.И.Ш. _____ Имзо _____

М.Ў.